

Indice

la alma en las tentaciones. Sus malos efectos, 50. 1. 396. 2. sig. 426. 1. sig.

V

Vaguear por cosas agenes las personas espirituales Quan peligroso? 75. 2. sig. 118. 1. Vanagloria, ò vana complacencia en las cosas espirituales, 427. 2. sig.

Vanidad. Sus Tentaciones se les dá remedio, 428. 2.

Variedad de tiempos, y estados en las almas, 164. 1. Vide *Estatos*.

Vehemencia imperfecta, 142. 1. 419. 2. sig.

Venganza con capa de zelo, 407. 2. El Justo no trata de ellas, 443. 1.

Vertigenoso espiritual. Qual? 111. 2

Vestiduras. Las profanas no dicen con la virtud, 64. 1. Las de nimio desprecio, 64. 1. sig.

Vias espirituales. Tres, 384. 1.

Via purgativa activa, 436. 1. sig. 442. 1. 487. 1. Sus meditaciones, 487. 2. sig.

Via purgativa, pasiva, 436. 3. sig. 444. 1. 476. 1. 484. 1. Trabajos, 483. 2. sig.

Via iluminativa, activa, 485. 2. 481. 1. Meditaciones, 482. 1. sig.

Via iluminativa pasiva, 485. 1. 484. 2. sig.

Via unitiva activa, 487. 1. 487. 2. sig. 484. 1. Meditaciones, 485. 2.

Via unitiva pasiva, 438. 1. sig. 438. 2. 483. 1. 484. 1. 485. 1. sig. 486. 1. sig.

Via Crucis, 160. 1. Indulgencia plenaria, 160. Se encarga, 161. 1. Vidas de Santos. Sus libros han convertido à muchos, 313. 1. sig.

Vida media. Imperfecta, 386. 2.

Vida mortal. Brevisima 448. 2. sig. Sueño, 10. 2.

Vida espiritual. Qué cosas ayudan para ella? 482. 2. 481. 2.

Virtuosos. No hay que admirar que fientan, &c. 54. 2. sig.

Virtud. No debe dexarse, porque algunos la finguen, 20. 1. Qué cosa es? 345. 2. Su division, ibid. No pierde porque algunas almas falgan engañadas, 401. 2.

Virtudes Cardinales. Lo poco que te has exercitado en ellas, 244. 2. sig.

Virtudes en comun, y en particular. Se explican, 345. 2. sig. Su práctica es lo seguro, 416. 1. En ellas están cortas algunas almas, 385. 1. sig.

Virtudes sólidas, poco practicadas, 386. sig.

Visible. Nos ha de guiar à lo invisible, 312. 1.

Visiones. Sus generos, y en quales se puede introducir el demonio, 413. 1. 498. 1.

Visiones, y revelaciones verdaderas. Sus efectos, 474. 1. sig.

Vistas para el Matrimonio espiritual, 440. 2.

Union con Dios. Como llegarás à ella, 229. 1. Vide *Via Unitiva*, 487. 1. sig.

Volar à Dios. Se enseña, 391. 2. sig. 471. 1.

Voluntad propia en los ayunos, &c.

de las cosas mas notables.

&c. 4. 1. Nuestra ruina, 255. 1. Usuras en espirituales. Mas escandalosas, 83. 1.

Voluntad Divina. Quanto te has apartado de ella? 229. 1. Vulneracion Divina. Se explica, 490. 2.

Votos inconsiderados en tiempos de fervores, 24. 2. Vide *Obras*.
Votos útiles, lib. 5. cap. 6. num. 68. & 69.

Votos de obediencia à los Directores. Se piensen mucho, 274. 2. 583. 1. sig.

Urbanidad. Vide *Politica*.

Zelo indiscreto del bien del Proximo, 38. 1. sig. 494. 2.

Zelo Santo. Quan ilibio en ti, 227. 1. Sus propiedades, 271. 1.

Zelo falso. Vide *Venganza*.

LAUS DEO.

**LIBRO, Y PROPOSICIONES, QUE SE HAN
condenado en Roma, dia 8. Setiembre de este año
de 1713. conforme al Decreto Apostolico
siguiente.**

Clemens Episcopus Servus Servorum Dei. Universis Christi fidibus salutem, & Apostolicam Benedictionem. Unigenitus Dei Filius, &c. :::: Nos verè divinis monitis instructi, ubi primum, non sine intima cordis nostri amaritudine, accepimus librum quemdam Gallico Idiomate olim impressum, & in plures Tomos distributum, sub titulo: *Le Noveau Testament en Francois, avec des reflexions morales sur chaque verset, &c.* A Paris 1699. Aliter verò: *Abrege de la Morale de l' Evangelie, des Actes des Apôtres de S. Paul, des Epistres Canoniques, è de l' Apocalypse ou Pensées Chretiennes sur le Texte des ces Liures Sacrez, &c.* A Paris 1693. & 1694. Tametsi alias à nobis damnatum, ac revera Catholicis veritatibus pravarum doctrinarum mendacia multifariam permiscentem, adhuc tamen tamquam ab omni errore immunem, à pluribus haberi Christi fidelium manibus passim obrudi, ac nonnullorum nova semper tentantium consilio, & opera studiose nimis quaquaversum disseminari, etiam Latinè reddidum, ut perniciose institutionis contagium, si fieri possit, pertransfeat de gente in gentem, & de Regno ad populum alterum: vetus hujusmodi seductionibus, atque fallaciis creditum nobis Dominicum Gregem in viam perditionis sensim abduci summopere doluimus; adeò-

que Pastoralis, non minus curæ nostræ stimulis, quam frequentibus Orthodoxæ Fidei Zeitorum querelis, maximè verò complurium Venerabilium Fratrum, præsertim Galliæ Episcoporum, litteris, ac precibus excitati, gliscenti morbo, qui etiam aliquando posset in deteriora quæque prorruere, validori aliquo remedio obiam ire decrevimus.

Et quidem ad ipsam ingruentis mali causam providæ nostræ considerationis intuitum converentes, perspicue novimus summam hujusmodi libri perniciem ideo potissimum progredi, & invalescere, quod eadem intus lateat, & vult improba sanies, nonnisi secto uere foras erumpat; cum liber ipse primo aspectu legentes specie quadam pietatis illiciat; moliti enim sunt sermones ejus super oleum: sed ipsi sunt jacula, & quidem intentato arcu ita ad nocendum parata, ut sagittent in obscuro rectos corde. Nihil propterea opportunius, aut salubrius præstari à nobis possit arbitrati sumus, quam si fallacem libri doctrinam generatim solummodo à nobis haec tenus indicatam, pluribus sigillatum ex eo exceptis Propositionibus, distinctus, & apertius explicaremus, atque universis Christi fidelibus noxia zizaniorum semina è medio traxi, quo tegebantur, educta, velut ob oculos exponeremus. Ita nimurum denudatis, & quasi in propatulo positis, non uno quilem, aut altero, sed pluriñis, gravissimisque, tūm pridem damna is, tūm etiam nōrē adinventis erroribus, planè confidimus, benedicente Domino, forè ut omnes tandem aperiæ jam, manifestæque veritati cedere compellantur.

Id ipsum maximè è re Catholica faturum & fedandis præsertim, in florentissimo Galliæ Regno exortis ingeniorum variè opinantium, jamque in acerviores scissuras protendentium disidiis, apprime proficuum: conscientiarum denique tranquilitati perutile, & propemodum necessarium, non modo præfati Episcopi, sed & ipse in primis charismus in Christo filius noster Ludovicus Francorum Rex Christianissimus, cuius eximium in tuenda Catholica Fidei puritate extirpandise erroribus zelum satis laudare non possumus, saepius Nobis est contestatus repetitis propterea verè piis, & Christianissimo Rege dignis Officiis, atque ardentibus votis à nobis afflagitans, ut instanti animarum necessitatī, prolata quantociùs Apostolici censura judicii consuleremus.

Hinc aspirante Domino ejusque cœlesti ope confissi, salutare opus sedulo, diligenterque, ut rei magnitudo postulabat, aggressi sumus; ac plurimas ex prædicto libro juxta suprà recensitas respectivè editiones fideliter extractas, & tūm Gallico, tūm Latino Idiomate expressas Propositiones à compluribus in Sacra Theologia Magistris, primò quidem coram duobus ex Venerabilibus Fratribus nostri San-

ctæ Romanae Ecclesiæ Cardinalibus accuratè discuti: deinde verò coram nobis, adhibito etiam aliorum plurium Cardinalium consilio, quam maxima diligentia, ac maturitate, singularum insuper Propositionum cum ipsomet libri Textu exactissimè facta collatione, plures iteratis Congregationibus expendi, & examinari mandavimus. Hujusmodi autem Propositiones sunt, quæ sequuntur videlicet.

1 **Q**uid aliud remanet animaliæ, quæ Deum atque ipsius gratiam amisit, nisi peccatum, & peccati consecutiones, superba paupertas; & legnis indigentia; hoc est, generalis impotentia ad laborem, ad orationem, & ad omne opus bonum?

2 Jesu-Christi gratia, principiam efficax boni cuiuscumque generis, necessaria est ad omne opus bonum; absque illa non solum nihil fit, sed nec fieri potest.

3 In vanum Domine præcipis, si tu ipse non das, quod præcipis.

4 Ita Domine; omnia possibilia sunt ei, cui omnia possibilia facis, eadem operando in illo.

5 Quando Deus non emollit cor per interiorumunctionem gratiæ suæ; exhortationes, & gratiæ exteriores non inserviunt, nisi ad illud magis obdurandum.

6 Discrimen inter foedus Iudaicum, & Christianum est, quod in illo Deus exigit fugam peccati, & implementum legis à peccatore, reliquendo illum in sua impotencia; in isto verò, Deus peccatoridat, quod jubet, illum sua gratia purificando.

7 Quæ utilitas pro homine in veteri foedere, in quo Deus illum reliquit ejus propriæ infirmitati,

imponendo ipsi suam legem? Quæ verò feicitas non est admitti ad foedus, in quo Deus nobis donat, quod petit à nobis?

8 Nos non pertinemus ad novum foedus, nisi in quantum participes sumus ipsius novæ gratiæ, quæ operatur in nobis id, quod nobis præcipit.

9 Gratia Christi est gratia suprema, sine qua confiteri Christum numquam possumus, & cum qua numquam illum abnegamus.

10 Gratia est operatio manus Omnipotentis Dei, quam nihil impedire potest, aut retardare.

11 Gratia non est aliud, quam voluntas Omnipotentis Dei, iubentis, & facientis, quod jubet.

12 Quando Deus vult salvare animam, quocumque tempore, quocumque loco effetus indubitabilis sequitur voluntatem Dei.

13 Quando Deus vult animam salvam facere, & eam tangit interioris gratiæ suæ manu, nulla voluntas humana ei resistit.

14 Quantumcumque remotus à salutè sit peccator obstinatus, quando Jesus se ei videndum exhibet lumine salutari suæ gratiæ, oportet ut se dedat, accurrat, se se humiliet, & adoret Salvatorem suum.

15 Quando Deus mandatum suum, & suam æternam locutionem comminatur unctione sui spiritus, & interiori vi gratiae suæ, operatur illa in corde obedientiam, quam petit.

16 Nullæ sunt illecebræ, quæ non cedant illecebris gratiae, quia nihil resistit Omnipotenti.

17 Gratia est vox illa Patris, quæ homines interius docet, ac eos venire facit ad Jesum Christum; quicumque ad eum non venit postquam audivit vocem exteriorem filii, nullatenus est dominus à Patre.

18 Semen verbi, quod manus Dei irrigat, semper affert fructum suum.

19 Dei gratia nihil aliud est, quam ejus Omnipotens voluntas: hæc est idea quam Deus ipse nobis tradit in omnibus suis scripturis.

20 Vera gratiae idea est, quod Deus vult sibi à nobis obediri; & obeditur; imperat, & omnia fiunt; loquitur tamquam Dominus, & omnia sibi submissa sunt.

21 Gratia Iesu-Christi est gratia fortis, potens, suprema, invincibilis, utpote quæ est operatio voluntatis Omnipotentis, sequela, & imitatio operationis Dei incarnantis, & resuscitantis Filium suum.

22 Concordia Omnipotentis operationis Dei in corde hominis, cum libero ipsius voluntatis consensu, demonstratur illicè nobis in incarnatione veluti in fonte, atque archetypo omnium aliarum

operationum misericordiæ, & gratiæ: quæ omnes ita gratiæ atque ita dependentes à Deo sunt, sicut ipsa Originali operatio.

33 Deus ipse nobis idem tradidit Omnipotentis operationis suæ gratiae: eam significans per illam, qua creaturas è nihilo producit, & mortuis reddit vitam.

24 Justa idea, quam Centurio habet de Omnipotentia Dei, & Jesu Christi, in sanandis corporibus solo motu suæ voluntatis, est imago ideæ, quæ haberet debet de Omnipotentia suæ gratiae in sanandis animabus à cupiditate.

25 Deus illuminat animam, & eam sanat æquè, ac corpus, sola sua voluntate; jubet & ipsi obtemperatur.

26 Nullæ dantur gratiae, nisi per fidem.

27 Fides est prima gratia, & fons omnium aliarum.

28 Prima gratia, quam Deus concedit peccatori est peccatorum remissio.

29 Extra Ecclesiam nulla conceditur gratia.

30 Omnes, quos Deus vult salvare per Christum, salvantur infallibiliè.

31 Desideria Christi semper habent suum effectum, pacem intimo cordium infert, quando eis illam optat.

32 Jesus Christus se morti tradidit ad liberandum pro semper suo sanguine primogenitos, id est electos, de manu Angeli exterminatoris.

Proh!

33 Proh! Quantum oportet bonis terrenis, & fibimeti ipsi renuntiasse, ad hoc ut quis fiduciam habeat sibi, ut ita dicam, appropriandi Christum Jesum, ejus amorem, mortem, & Mysteria, ut facit Sanctus Paulus, dicens. Qui dilexit me, & tradidit semetipsum pro me.

34 Gratia Adami non producet, nisi merita humana.

35 Gratia Adami est sequela creationis, & erat debita naturæ sanæ, & integræ.

36 Differentia essentialis inter gratiam Adami, & status innocentiae, ac gratiam Christianam est, quod primam unusquisque in propria persona receperet: ita verò non recipitur, nisi in persona Jesu Christi resuscitati cui nos uniti sumus.

37 Gratia Adami, sanctificando illum in semetipso, erat illi proportionata: Gratia Christiana nos sanctificando in Jesu-Christo, est omnipotens, & digna Filio Dei.

38 Peccator non est liber, nisi ad malum, sine gratia liberatoris.

39 Voluntas, quam gratia non prævenit, nihil habet luminis, nisi ad aberrandum; ardoris, nisi ad se præcipitandum; viarium, nisi ad se vulnerandum; est capax omnis mali, & incapax ad omne bonum.

40 Sine gratia nihil amare possumus, nisi ad nostram condemnationem.

41 Omnis cognitio Dei, etiam

naturalis, etiam in Philosophis Ethniciis non potest venire, nisi à Deo; & sine gratia, non producit nisi presumptionem, vanitatem & oppositionem ad ipsum Deum, loco effectum adorationis, gratitudinis, & amoris.

42 Sola gratia Christi reddit hominew aptum ad sacrificium fidei; sine hoc nihil, nisi impuritas; nihil, nisi indignitas.

43 Primus effectus gratiæ baptismalis est facere, ut moriamur peccato; adeò ut spiritus, cor, sensus non habeant plus vitæ pro peccato, quam homo mortuus habeat pro rebus Mundi.

44 Non sunt tñi duo amores, unde volitiones, & actiones omnes nostræ nascentur; amor Dei, que omnia agit propter Deum, quemque Deus remuneratur; & amor, quo nos ipsos, ac mundum diligimus, qui, quod ad Deum referendum est, non refert, & propter hoc ipsum fit malus.

45 Amore Dei in corde peccatorum non amplius regnante necesse est, ut in eo carnalis regnet cupiditas, omnesque actiones ejus corrumpat.

46 Cupiditas, aut charitas, usum sensuum bonum, vel malum faciunt.

47 Obedientia legis profluere debet ex fonte; & hic fons est charitas. Quando Dei amor est illius principium interius, & Dei gloria: ejus finis tunc purum est, quod appetit exteriorius, alioquin non est, nisi hypocritis, aut falsa justitia.

Quid

48 Quid aliud esse possumus nisi tenebrae, nisi aberratio, & nisi peccatum, sine fidei lumine, si ne Christo, & sine charitate?

49 Ut nullum peccatum est sine amore nostri, ita nullum est opus bonum sine amore Dei.

50 Frustra clamamus ad Deum: Pater mi: si spiritus charitatis non est ille, qui clamat.

51 Fides justificat, quando operatur, sed ipsa non operatur, nisi per charitatem.

52 Omnia alia salutis media continentur in fine, tamquam in suo germine, & semine; sed haec fides non est absque amore, & fiducia.

53 Sola charitas Christiano modo facit actiones Christianas, per relationem ad Deum, & Iesum Christum.

54 Sola Charitas est, quæ Deo loquitur, eam solam Deus audit.

55 Deus non coronat, nisi charitatem; qui currit ex alio impulso, & ex alio motivo, in vanum currit.

56 Deus non remunerat nisi charitatem, quoniam charitas sola Deum honorat.

57 Totam deest peccatori, quando ei deest spes, & non est spes in Deo, ubi non est amor Dei.

58 Nec Deus est, nec religio, ubi non est charitas.

59 Oratio impiorum est novum peccatum, & quod Deus illis concedit, est novum in ejus judicium.

60 Si solus supplicii timor, animat poenitentiam, quo haec est ma-

gis violenta, eo magis dicit ad desperationem.

61 Timor non nisi manum cohibet, cor autem tamdiu peccato addicitur, quamdiu ab amore justitiae non dicitur.

62 Qui se à malo non abstinet, nisi timore poenæ, illud committit in corde suo, & jam est reus coram Deo.

63 Baptizatus adhuc est sub lege, sicut Judæus, si legem non adimpleat, aut adimpleat ex solo timore.

64 Sub maledicto legis numquam fit bonum, quia peccator sive faciendo malum, sive illud non nisi ob timorem evitando.

65 Moyses, Prophetæ, Sacerdotes, & Doctores legis mortui sunt absque eo, quod ullum Deo dederint filium, cum non efficerint nisi mancipia per timorem.

66 Qui vult Deo appropinquari nec debet ad ipsum venire cum brutalibus passionibus, neque adducit per instinctum naturalem, aut per timorem, sicut bestiæ, sed per fidem, & per amorem sicut filii.

67 Timor servilis non sibi representat Deum, nisi ut Dominum durum, imperiosum, injustum, intractabilem.

68 Dei bonitas abbreviavit viam salutis, claudendo totum in fide, & precibus.

69 Fides, usus, augmentum, & præmium fidei, totum est donum patræ liberalitatis Dei.

70 Numquam Deus affligit innocentes, & afflictiones semper serviant,

viunt, vel ad puniendum peccatum, vel ad purificandum peccatorem.

71 Homo ob sui conservacionem potest sese dispensare ab ea lege, quam Deus condidit propter ejus utilitatem.

72 Nota Ecclesiæ Christianæ est, quod sit Catholica, comprehendens, & omnes Angelos Cœli, omnes electos, & iustos terræ, & omnium sæculorum.

73 Quid est Ecclesia, nisi cœtus filiorum Dei, manentium in ejus sinu, adoptatorum in Christo, subsistentium in ejus Persona, redemptorum ejus Sanguine, viventium ejus Spiritu, agentium per ejus gratiam, & expectantium gratiam futuri sæculi?

74 Ecclesia, sive integer Christus, incarnatum Verbum habet ut caput; omnes vero Sanctos, ut membra.

75 Ecclesia est unus solus homo, compositus ex pluribus membris, quorum Christus est Caput, vita subsistentia, & Persona; unus solus Christus compositus ex pluribus Sanctis, quorum est sanctificator.

76 Nihil spatiosius Ecclesia Dei, quia omnes electi, & iusti omnium sæculorum illam componunt

77 Qui non dicit vitam dignam Filio Dei, & membro Christi, cessat interius habere Deum pro Patre, & Christum pro Capite.

78 Separatur quis à Populo electo, cujus figura fuit Populus Judaicus, & Caput est Jesus Christus, tam non vivendo secundum

Evangelium, quām non credendo Evangelio.

79 Utile, & necessarium est omni timore, omni loco, & omni personarum generi studere, & cognoscere spiritum, & pietatem, & mysteria Sacrae Scripturæ.

80 Lectio Sacrae Scripturæ est pro omnibus.

81 Obscuritas Sancta Verbi Dei non est laicis ratio dispensandi seipso ab ejus lectione.

82 Dies Dominicus à Christians debet sanctificari lectionibus pietatis, & super omnia Sanctorum Scripturarum. Damosum est velle Christianum ab hac lectione retrahere.

83 Est illusio, sibi persuadere quod notitia Mysteriorum Religionis non debet communicari sacerdotiis, lectione sacrorum librorum. Non ex seminarum simplicitate, sed ex superba virorum scientia, ortus est Scripturarum abusus, & natæ sunt hæreses.

84 Abripere à Christianorum manibus Novum Testamentum, seu eis illud clausum tenere auferendo eis modum illud intelligendi, est illis Christi os obturare.

85 Interdicere Christianis lectionem Sacrae Scripturæ, praesertim Evangelii, est interdicere usum luminis filii lucis, & facere ut patientur speciem quædam excommunicationis.

86 Eripere simplici Populo hoc solatum, jungendi vocem suam voci totius Ecclesiæ, est usus contrarius praxi Apostoli-

cæ, & intentioni Dei.

87 Modus plenus sapientia, lumine, & charitate, est dare animabus tempus portandi cum humilitate, & sentiendi statum peccati, petendi spiritum pœnitentiæ, & contritionis, & incipiendo, admissus, satisfacere iustitiae Dei antequam reconcilientur.

88 Ignoramus quid sit peccatum, & vera pœnitentia, quando volumus, statim restituimus possessioni bonorum illorum, quibus nos peccatum spoliauit, & retractamus separationis istius ferre confusionem.

89 Quartus decimus gradus conversionis peccatoris est, quod, cum sit jam reconciliatus, habet ius assistendi sacrificio Ecclesiæ.

90 Ecclesia auctoritatem excommunicandi habet, ut eam exerceat per primos Pastores de consensu, saltem præsumpto, totius corporis.

91 Excommunicationis iustæ metus, numquam debet nos impedire ab implendo debito nostro: numquam eximus ab Ecclesiæ, etiam quando hominum nequitia videmur ab ea expulsi, quando Deo Jesu-Christo, atque ipsi Ecclesiæ per charitatem affixi sumus.

92 Pati potius in pace excommunicationem, & anathema injarium, quam prodere veritatem, est imitari Sanctum Paulum: tantum abest, ut sit erigere se contra auctoritatem, aut scindere unitatem.

93 Jesus quandoque sanat vul-

nera, quæ Præceps Primorum Pastorum festinatio infligit, sine ipsius mandato: Jesus restituit, quod ipsi inconsiderato zelo reseindunt.

94 Nihil pejorem de Ecclesia opinionem ingerit ejus inimicis, quam videre illic dominatum exerceri suprà fidem fidelium, & soveri divisiones propter res, quæ nec fidem lœdunt, nec mores.

95 Veritates eo devenerunt, ut sint lingua quasi peregrina plerisque Christianis, & modus eas prædicandi est velut idioma incognitum: adè remotus est à simplicitate Apostolorum, & suprà communem caput fidelium. Neque satis advertitur, quod hic defectus sit unum ex signis maximè sensibilibus senectuti Ecclesiæ, & iræ Dei in filios suos.

96 Deus permittit, ut omnes potestates sint contrariae Prædictoris veritatis, ut ejus victoria attribui non possit, nisi Divinæ Gratiae.

97 Nimis sèpè contingit membra illa, quæ magis sanctè, ac magis strictè unita Ecclesiæ sunt, respici, atque tractari tamquam indigna, ut sint in Ecclesia, vel tamquam ab ea separata, sed justus vivit ex fide, & non ex opinione hominum.

98 Status persecutionis, & pænarum, quas quis tolerat, tamquam Hæreticus, flagitosus, & impius, ultima plerumque probatio est, & maximè meritoria, ut potè, quæ fecit hominem magis conformem Jesu-Christo.

99 Pervicacia, preventio, obstinatio in nolendo, aut aliquid examinare, aut agnoscere se fuisse deceptum, mutant quotidiè quoad multos in odorem mortis id, quod Deus in sua Ecclesia posuit, ut in ea esset odor vitæ, v. gr. bonos libros, instructiones, sancta exempla, &c.

100 Tempus deplorabile, quo creditur honorari Deū, persequendo veritatem, ejusque discipulos. Tempus hoc advenit :: : Haberi, & tractari à Religionis Ministris tamquam impium, & indignum omni commercio cum Deo, tamquam membrum putridum, capax corrumpendi omnia in societate Sanctorum; est hominibus piis morte

corporis mors terribilior. Frustra quis sibi blanditur de suarum intentionum puritate, & zelo quodam Religionis, persequendo flamma, ferroque vivos probos, si propria passione est cæcatus, aut arreptus aliena, propterea quod nihil vult examinare. Frequentè credimus sacrificare Deo impium, & sacrificamus diabolo Dei servum.

101 Nihil spiritui Dei, & doctrinæ Jesu-Christi magis opponitur, quam communia facere juramenta in Ecclesia, quia hoc est multiplicare occasiones pejerandi, laqueos tendere infirmis, & idiotis, & efficere ut nomen, & veritas Dei aliquando deserviant consilio impiorum.

Auditis itaque tûm voce, tûm scripto Nobis exhibitis præfatorum Cardinalium, aliorumque Theologorum suffragiis, divinique in primis luminis, privatis ad eum finem, publicisque etiam indictis precibus, implorato præsidio; omnes & singulas Propositiones præincertas tamquam falsas, captiosas, malè sonantes, piarum aurium offensivas, scandalosas, perniciose temerarias, Ecclesiæ, & ejus praxi injuriosas, neque in Ecclesiam solum, sed etiam in Potestates sæculi contumeliosas, seditiones, impias, blasphemias, suspectas de hæresi, ac hæresim ipsam sapientes, necnon hæreticis & hæresibus, ac etiam schismati faventes, erroneas, hæresi proximas, pluries damnatas, ac demum etiam hæreticas, variasque hæreses & potissimum, illas quæ in famosis Jansenii Propositionibus, & quidem in eo sensu, in quo hæresi damnata fuerunt, acceptis, continentur, manifestè innovantes respectivè hac nostra perpetuò valitura Constitutione declaramus damnatas, & reprobamus.

Mandantes omnibus utriusque sexus Christi fidelibus, ne de dictis Propositionibus sentire, docere, prædicare aliter præsumant, quam in hac eadem nostra Constitutione continentur; ita ut quicumque illas, vel illarum aliquam conjunctim, vel divisim docuerit, defenderit, ediderit, aut de eis etiam disputativè, publicè, aut privatim tractaverit, nisi forsitan impugnando, Ecclesiasticis censuris, aliisque contrasimilia perpetrantes à jure statutis pénis ipso facta, absque alia declaratione subjaceat.

Cæterum per expressam præfatarum Propositionum reprobationem alia in eodem libro contenta nullatenus approbare intendimus, cum præsertim in decursu examinis cum plures alias in eo deprehenderimus Propositiones illis, quæ ut supra damnatae fuerunt, consimiles, & affines, iisdemque erroribus imbatas, nec sane paucas sub imaginario quodam, veluti grassantis hodie persecutionis obtentu, inobedientiam, & pervicaciam nutrientes easque falso Christianæ patientiæ nomine prædicantes; quas propterea singulatim resensere, & nimis longum esse duximus, & minimè necessarium; ac demum, quod intolerabilius est, sacrum ipsum Novi Testamenti textum damnabilitè viciatum compererimus, & alteri demum reprobatae versioni Gallicæ Montensi in multis conformem: à vulgata vero editione, que tot sæculorum usu in Ecclesia probata est, atque ab Orthodoxis omnibus pro authentica haberi debet, multipliciter discrepantem, & aberrantem, pluriesque in alienos, exoticos, ac sæpè noxios sensus, non sine maxima perveritate, detortum.

Eundem propterea librum, ut potè per dulces sermones, & venditiones, ut Apostolus loquitur, hoc est sub falsa piæ institutionis imagine seducendis Innocentium cordibus longè accommodatum, sive præmissis, sive alio quovis titulo inscriptum, ubicumque, & quocumque alio Idiomate, seu quavis editione, aut versione hactenus impressum, aut in posterum (quod absit) imprimendum, auctoritate Apostolica tenore præsentium iterum prohibemus, ac similiter damnamus; quemadmodum etiam alios omnes, & singulos in ejus defensionem, tam scripto, quam Typis editos, seu forsan (quod Deus avertat) edendos libros, seu libellos, eorumque lectionem, descriptionem, retentio nem, & usum, omnibus, & singulis Christi fidelibus sub pena excommunicationis per contrafaciētes ipso facto incurrienda, prohibemus pariter, & interdicimus::: Datum Romæ apud Sanctam Mariam Majorem, Anno Incarnationis Dominicæ millesimo septingentesimo decimo tertio, sexto Idus Septembbris, Pontificatus nostri Anno decimo tertio.

I. Card. Pro Datarius.

Vifa de Curia L. Seguardus.

F. Oliverius.

IMPRIMATUR.
Cafalote, Vic. Gñlis.

Se ha añadido en esta Impresión lo que va señalado con estrellas à la margen, como en la pag. 365. y está visto, reconocido, y aprobado.

